

אֶסְתֵּר

1 ויהי בימי אחשורוש הוא אחשורוש המלך מהדו ועד כוש שבע ועשרים ומאה מדינה: 2 בימים ההם כשבת המלך אחשורוש על כסא מלכותו אשר בשושן הבירה: 3 בשנת שלוש למלכו עשה משתה לכל שריו ועבדיו חיל פרס ומדי הפרתמים ושרי המדינות לפניו: 4 בהראתו את עשר כבוד מלכותו ואת יקר תפארת גדולתו ימים רבים שמונים ומאת יום: 5 ובמלואת הימים האלה עשה המלך לכל העם הנמצאים בשושן הבירה למגדול ועד קטן משתה שבעת ימים בחצר גנת ביתן המלך: 6 חור כרפס ותכלת אחוז בחבלי בוץ וארגמן על גלילי כסף ועמודי שש מטות זהב וכסף על רצפת בהט ושש ודרר וסחרת: 7 והשקות בכלי זהב וכלים מכלים שונים ויין מלכות רב כיד המלך: 8 והשתיה כדת אין אנס כי כן יסד המלך על כל רב ביתו לעשות כרצון איש ואיש: 9 גם ושתי המלכה עשתה משתה נשים בית המלכות אשר למלך אחשורוש: 10 ביום השביעי כטוב לב המלך ביין אמר למהומן בזתא חרבונא בגתא ואבגתא זתר וכרכס שבעת הסריסים המשרתים את פני המלך אחשורוש: 11 להביא את ושתי המלכה לפני המלך בכתר מלכות להראות העמים והשרים את יפיה כי טובת מראה היא: 12 ותמאן המלכה ושתי לבוא בדבר המלך אשר ביד הסריסים ויקצף המלך מאד

וחמתו בערה בו: ¹³ ויאמר המלך לחכמים ידעי העתים
 כי כן דבר המלך לפני כל ידעי דת ודין: ¹⁴ והקרוב
 אליו כרשנא שתר אדמתא תרשיש מרס מרסנא ממוכן
 שבעת שרי פרס ומדי ראי פני המלך הישבים ראשנה
 במלכות: ¹⁵ כדת מה לעשות במלכה ושתי על אשר
 לא עשתה את מאמר המלך אחשורוש ביד הסריסים:
¹⁶ ויאמר מומכן לפני המלך והשרים לא על המלך
 לבדו עותה ושתי המלכה כי על כל השרים ועל כל
 העמים אשר בכל מדינות המלך אחשורוש: ¹⁷ כי יצא
 דבר המלכה על כל הנשים להבזות בעליהן בעיניהן
 באמרם המלך אחשורוש אמר להביא את ושתי המלכה
 לפני ולא באה: ¹⁸ והיום הזה תאמרנה שרות פרס ומדי
 אשר שמעו את דבר המלכה לכל שרי המלך וכדי בזיון
 וקצף: ¹⁹ אם על המלך טוב יצא דבר מלכות מלפניו
 ויכתב בדתי פרס ומדי ולא יעבור אשר לא תבוא ושתי
 לפני המלך אחשורוש ומלכותה יתן המלך לרעותה
 הטובה ממנה: ²⁰ ונשמע פתגם המלך אשר יעשה בכל
 מלכותו כי רבה היא וכל הנשים יתנו יקר לבעליהן
 למגדול ועד קטן: ²¹ וייטב הדבר בעיני המלך והשרים
 ויעש המלך כדבר ממוכן: ²² וישלח ספרים אל כל
 מדינות המלך אל מדינה ומדינה ככתבה ואל עם ועם
 כלשונו להיות כל איש שרר בביתו ומדבר כלשון עמו:

2

¹ אחר הדברים האלה כשך חמת המלך אחשורוש
 זכר את ושתי ואת אשר עשתה ואת אשר נגזר עליה:

2 ויאמרו נערי המלך משרתיו יבקשו למלך נערות בתולות טובות מראה: 3 ויפקד המלך פקידים בכל מדינות מלכותו ויקבצו את כל נערה בתולה טובת מראה אל שושן הבירה אל בית הנשים אל יד הגא סריס המלך שמר הנשים ונתון תמרוקיהן: 4 והנערה אשר תיטב בעיני המלך תמלך תחת ושתי וייטב הדבר בעיני המלך ויעש כן: 5 איש יהודי היה בשושן הבירה ושמו מרדכי בן יאיר בן שמעי בן קיש איש ימיני: 6 אשר הגלה מירושלים עם הגלה אשר הגלתה עם יכניה מלך יהודה אשר הגלה נבוכדנאצר מלך בבל: 7 ויהי אמן את הדסה היא אסתר בת דדו כי אין לה אב ואם והנערה יפת תאר וטובת מראה ובמות אביה ואמה לקחה מרדכי לו לבת: 8 ויהי בהשמע דבר המלך ודתו ובהקבץ נערות רבות אל שושן הבירה אל יד הגי ותלקח אסתר אל בית המלך אל יד הגי שמר הנשים: 9 ותיטב הנערה בעיניו ותשא חסד לפניו ויבהל את תמרוקיה ואת מנותה לתת לה ואת שבע הנערות הראיות לתת לה מבית המלך וישנה ואת נערותיה לטוב בית הנשים: 10 לא הגידה אסתר את עמה ואת מולדתה כי מרדכי צוה עליה אשר לא תגיד: 11 ובכל יום ויום מרדכי מתהלך לפני חצר בית הנשים לדעת את שלום אסתר ומה יעשה בה: 12 ובהגיע תר נערה ונערה לבוא אל המלך אחשורוש מקץ היות לה כדת הנשים שנים עשר חרש כי כן ימלאו ימי מרוקיהן ששה חרשים בשמן המר וששה חרשים בבשמים ובתמרוקי הנשים: 13 ובזה הנערה באה אל

המלך את כל אשר תאמר ינתן לה לבוא עמה מבית הנשים עד בית המלך: ¹⁴ בערב היא באה ובבקר היא שבה אל בית הנשים שני אל יד שעשגזו סריס המלך שמר הפילגשים לא תבוא עוד אל המלך כי אם חפץ בה המלך ונקראה בשם: ¹⁵ ובהגיע תר אסתר בת אביחיל דד מרדכי אשר לקח לו לבת לבוא אל המלך לא בקשה דבר כי אם את אשר יאמר הגי סריס המלך שמר הנשים ותהי אסתר נשאת חן בעיני כל ראייה: ¹⁶ ותלקח אסתר אל המלך אחשורוש אל בית מלכותו בחדש העשירי הוא חדרש טבת בשנת שבע למלכותו: ¹⁷ ויאהב המלך את אסתר מכל הנשים ותשא חן וחסד לפניו מכל הבתולות וישם כתר מלכות בראשה וימליכה תחת ושתי: ¹⁸ ויעש המלך משתה גדול לכל שריו ועבדיו את משתה אסתר והנחה למדינות עשה ויתן משאת כיד המלך: ¹⁹ ובהקבץ בתולות שנית ומרדכי ישב בשער המלך: ²⁰ אין אסתר מגדת מולדתה ואת עמה כאשר צוה עליה מרדכי ואת מאמר מרדכי אסתר עשה כאשר היתה באמנה אתו: ²¹ בימים ההם ומרדכי ישב בשער המלך קצף בגתן ותרש שני סריסי המלך משמרי הסף ויבקשו לשלח יד במלך אחשורוש: ²² ויודע הדבר למרדכי ויגד לאסתר המלכה ותאמר אסתר למלך בשם מרדכי: ²³ ויבקש הדבר וימצא ויתלו שניהם על עץ ויכתב בספר דברי הימים לפני המלך:

3

¹ אחר הדברים האלה גדל המלך אחשורוש את

המן בן המדתא האנגי וינשאהו וישם את כסאו מעל
כל השרים אשר אתו: ² וכל עבדי המלך אשר בשער
המלך כרעים ומשתחויים להמן כי כן צוה לו המלך
ומרדכי לא יכרע ולא ישתחוה: ³ ויאמרו עבדי המלך
אשר בשער המלך למרדכי מדוע אתה עובר את מצות
המלך: ⁴ ויהי באמרם אליו יום ויום ולא שמע אליהם
ויגידו להמן לראות היעמדו דברי מרדכי כי הגיד
להם אשר הוא יהודי: ⁵ וירא המן כי אין מרדכי כרע
ומשתחוה לו וימלא המן חמה: ⁶ ויבוז בעיניו לשלח יד
במרדכי לברו כי הגידו לו את עם מרדכי ויבקש המן
להשמיד את כל היהודים אשר בכל מלכות אחשורוש
עם מרדכי: ⁷ בחדש הראשון הוא חדש ניסן בשנת
שתים עשרה למלך אחשורוש הפיל פור הוא הגורל
לפני המן מיום ליום ומחדש לחדש שנים עשר הוא
חדש אדר: ⁸ ויאמר המן למלך אחשורוש ישנו עם
אחד מפזר ומפרד בין העמים בכל מדינות מלכותך
ודתיהם שנות מכל עם ואת דתי המלך אינם עשים
ולמלך אין שוה להניחם: ⁹ אם על המלך טוב יכתב
לאבדם ועשרת אלפים ככר כסף אשקול על ידי עשי
המלאכה להביא אל גנזי המלך: ¹⁰ ויסר המלך את
טבעתו מעל ידו ויתנה להמן בן המדתא האנגי צרר
היהודים: ¹¹ ויאמר המלך להמן הכסף נתון לך והעם
לעשות בו כטוב בעיניך: ¹² ויקראו ספרי המלך בחדש
הראשון בשלושה עשר יום בו ויכתב ככל אשר צוה
המן אל אחשדרפני המלך ואל הפחות אשר על מדינה

ומדינה ואל שרי עם ועם מדינה ומדינה ככתבה ועם ועם כלשונו בשם המלך אחשורש נכתב ונחתם בטבעת המלך: ¹³ ונשלוח ספרים ביד הרצים אל כל מדינות המלך להשמיד להרג ולאבד את כל היהודים מנער ועד זקן טף ונשים ביום אחד בשלושה עשר לחדש שנים עשר הוא חדש אדר ושללם לבוז: ¹⁴ פתשגן הכתב להנתן דת בכל מדינה ומדינה גלוי לכל העמים להיות עתדים ליום הזה: ¹⁵ הרצים יצאו רחופים בדבר המלך והדת נתנה בשושן הבירה והמלך והמן ישבו לשתות והעיר שושן נבוכה:

4

¹ ומרדכי ידע את כל אשר נעשה ויקרע מרדכי את בגדיו וילבש שק ואפר ויצא בתוך העיר ויזעק זעקה גדלה ומרה: ² ויבוא עד לפני שער המלך כי אין לבוא אל שער המלך בלבוש שק: ³ ובכל מדינה ומדינה מקום אשר דבר המלך ורתו מגיע אבל גרול ליהודים וצום ובכי ומספר שק ואפר יצע לרבים: ⁴ ותבואינה נערות אסתר וסריסיה ויגידו לה ותתחלחל המלכה מאד ותשלח בנגדים להלביש את מרדכי ולהסיר שקו מעליו ולא קבל: ⁵ ותקרא אסתר להתך מסריסי המלך אשר העמיד לפניו ותצוהו על מרדכי לדעת מה זה ועל מה זה: ⁶ ויצא התך אל מרדכי אל רחוב העיר אשר לפני שער המלך: ⁷ ויגד לו מרדכי את כל אשר קרהו ואת פרשת הכסף אשר אמר המן לשקול על נגזי המלך ביהודיים לאברם: ⁸ ואת פתשגן כתב הדת

אשר נתן בשושן להשמידם נתן לו להראות את אסתר ולהגיד לה ולצוות עליה לבוא אל המלך להתחנן לו ולבקש מלפניו על עמה: 9 ויבוא התך ויגד לאסתר את דברי מרדכי: 10 ותאמר אסתר להתך ותצוהו אל מרדכי: 11 כל עבדי המלך ועם מדינות המלך יודעים אשר כל איש ואשה אשר יבוא אל המלך אל החצר הפנימית אשר לא יקרא אחת דתו להמית לבד מאשר יושיט לו המלך את שרביט הזהב וחייה ואני לא נקראתי לבוא אל המלך זה שלושים יום: 12 ויגידו למרדכי את דברי אסתר: 13 ויאמר מרדכי להשיב אל אסתר אל תדמי בנפשך להמלט בית המלך מכל היהודים: 14 כי אם החרש תחרישי בעת הזאת רוח והצלה יעמוד ליהודים ממקום אחר ואת ובית אביך תאבדו ומי יודע אם לעת כזאת הגעת למלכות: 15 ותאמר אסתר להשיב אל מרדכי: 16 לך כנוס את כל היהודים הנמצאים בשושן וצומו עלי ואל תאכלו ואל תשתו שלשת ימים לילה ויום גם אני ונערתי אצום כן ובכן אבוא אל המלך אשר לא כדת וכאשר אבדתי אבדתי: 17 ויעבר מרדכי ויעש ככל אשר צותה עליו אסתר:

5

1 ויהי ביום השלישי ותלבש אסתר מלכות ותעמד בחצר בית המלך הפנימית נכח בית המלך והמלך יושב על כסא מלכותו בבית המלכות נכח פתח הבית: 2 ויהי כראות המלך את אסתר המלכה עמדת בחצר נשאה חן בעיניו ויושט המלך לאסתר את שרביט הזהב אשר בידו ותקרב אסתר ותגע בראש השרביט: 3 ויאמר

לֵה הַמֶּלֶךְ מִה לֶךְ אֶסְתֵר הַמַּלְכָּה וּמִה בִּקְשֶׁתְךָ עַד
 חֲצֵי הַמַּלְכוּת וַיִּנְתֵּן לֶךְ: ⁴ וּתְאֹמֶר אֶסְתֵר אִם עַל הַמֶּלֶךְ
 טוֹב יָבוֹא הַמֶּלֶךְ וְהַמֶּן הַיּוֹם אֶל הַמִּשְׁתָּה אֲשֶׁר עֲשִׂיתִי
 לּוֹ: ⁵ וַיֹּאמֶר הַמֶּלֶךְ מִהֲרוּ אֶת הַמֶּן לַעֲשׂוֹת אֶת דְּבַר
 אֶסְתֵר וַיָּבֵא הַמֶּלֶךְ וְהַמֶּן אֶל הַמִּשְׁתָּה אֲשֶׁר עֲשִׂתָה אֶסְתֵר:
⁶ וַיֹּאמֶר הַמֶּלֶךְ לְאֶסְתֵר בְּמִשְׁתָּה הַיּוֹם מִה שְׂאֵלְתְךָ וַיִּנְתֵּן
 לֶךְ וּמִה בִּקְשֶׁתְךָ עַד חֲצֵי הַמַּלְכוּת וּתְעַשׂ: ⁷ וּתְעַן אֶסְתֵר
 וּתְאֹמֶר שְׂאֵלְתִי וּבִקְשֶׁתִי: ⁸ אִם מִצְּאֵתִי חָן בְּעֵינֵי הַמֶּלֶךְ
 וְאִם עַל הַמֶּלֶךְ טוֹב לִתֵּן אֶת שְׂאֵלְתִי וּלְעֲשׂוֹת אֶת בִּקְשֶׁתִי
 יָבוֹא הַמֶּלֶךְ וְהַמֶּן אֶל הַמִּשְׁתָּה אֲשֶׁר אֶעֱשֶׂה לָהֶם וּמִחַר
 אֶעֱשֶׂה כַּדְּבַר הַמֶּלֶךְ: ⁹ וַיֵּצֵא הַמֶּן בַּיּוֹם הַהוּא שְׂמֵחַ וְטוֹב
 לֵב וּכְרָאוֹת הַמֶּן אֶת מִרְדְּכָי בִּשְׁעַר הַמֶּלֶךְ וְלֹא קָם וְלֹא
 זָע מִמֶּנּוּ וַיִּמְלֵא הַמֶּן עַל מִרְדְּכָי חֲמָה: ¹⁰ וַיִּתְאַפֵּק הַמֶּן
 וַיָּבוֹא אֶל בֵּיתוֹ וַיִּשְׁלַח וַיָּבֵא אֶת אֶהֱבִיּוֹ וְאֶת זֶרֶשׁ אִשְׁתּוֹ:
¹¹ וַיְסַפֵּר לָהֶם הַמֶּן אֶת כְּבוֹד עֲשָׂרוֹ וְרַב בְּנָיו וְאֶת כָּל
 אֲשֶׁר גָּדְלוֹ הַמֶּלֶךְ וְאֶת אֲשֶׁר נִשְׂאוֹ עַל הַשְּׂרָיִם וְעַבְדֵי
 הַמֶּלֶךְ: ¹² וַיֹּאמֶר הַמֶּן אֵף לֹא הִבִּיֵּאָה אֶסְתֵר הַמַּלְכָּה עִם
 הַמֶּלֶךְ אֶל הַמִּשְׁתָּה אֲשֶׁר עֲשִׂתָה כִּי אִם אוֹתִי וְגַם לְמִחַר
 אֲנִי קָרוֹא לָהּ עִם הַמֶּלֶךְ: ¹³ וְכָל זֶה אֵינְנִי שׂוֹה לִי בְּכָל עֵת
 אֲשֶׁר אֲנִי רֹאֵה אֶת מִרְדְּכָי הַיְהוּדִי יוֹשֵׁב בִּשְׁעַר הַמֶּלֶךְ:
¹⁴ וּתְאֹמֶר לוֹ זֶרֶשׁ אִשְׁתּוֹ וְכָל אֶהֱבִיּוֹ יַעֲשׂוּ עִץ גְּבַהּ חֲמֻשִׁים
 אֲמָה וּבִבְקָר אֲמַר לְמֶלֶךְ וַיִּתְּלוּ אֶת מִרְדְּכָי עָלָיו וּבֹא עִם
 הַמֶּלֶךְ אֶל הַמִּשְׁתָּה שְׂמֵחַ וַיִּיטֵב הַדְּבַר לְפָנֵי הַמֶּן וַיַּעַשׂ
 הָעֵץ:

6

1 בלילה ההוא נדרה שנת המלך ויאמר להביא את ספר הזכרונות דברי הימים ויהיו נקראים לפני המלך: 2 וימצא כתוב אשר הגיד מרדכי על בנתנא ותרש שני סריסי המלך משמרי הסף אשר בקשו לשלח יד במלך אחשוורוש: 3 ויאמר המלך מה נעשה יקר וגדולה למרדכי על זה ויאמרו נערי המלך משרתיו לא נעשה עמו דבר: 4 ויאמר המלך מי בחצר והמן בא לחצר בית המלך החיצונה לאמר למלך לתלות את מרדכי על העץ אשר הכין לו: 5 ויאמרו נערי המלך אליו הנה המן עמד בחצר ויאמר המלך יבוא: 6 ויבוא המן ויאמר לו המלך מה לעשות באיש אשר המלך חפץ ביקרו ויאמר המן בלבו למי יחפץ המלך לעשות יקר יותר ממני: 7 ויאמר המן אל המלך איש אשר המלך חפץ ביקרו: 8 יביאו לבוש מלכות אשר לבש בו המלך וסוס אשר רכב עליו המלך ואשר נתן כתר מלכות בראשו: 9 ונתון הלבוש והסוס על יד איש משרי המלך הפרתמים והלבישו את האיש אשר המלך חפץ ביקרו והרכיבהו על הסוס ברחוב העיר וקראו לפניו ככה יעשה לאיש אשר המלך חפץ ביקרו: 10 ויאמר המלך להמן מהר קח את הלבוש ואת הסוס כאשר דברת ועשה כן למרדכי היהודי היושב בשער המלך אל תפל דבר מכל אשר דברת: 11 ויקח המן את הלבוש ואת הסוס וילבש את מרדכי וירכיבהו ברחוב העיר ויקרא

לפניו ככה יעשה לאיש אשר המלך חפץ ביקרו: ¹² וישב מרדכי אל שער המלך והמן נדחף אל ביתו אבל וחפוי ראש: ¹³ ויספר המן לזרש אשתו ולכל אהביו את כל אשר קרהו ויאמרו לו חכמיו וזרש אשתו אם מזרע היהודים מרדכי אשר החלות לנפל לפניו לא תוכל לו כי נפול תפול לפניו: ¹⁴ עודם מדברים עמו וסריסי המלך הגיעו ויבהלו להביא את המן אל המשתה אשר עשתה אסתר:

7

¹ ויבא המלך והמן לשתות עם אסתר המלכה:
² ויאמר המלך לאסתר גם ביום השני במשתה היין
 מה שאלתך אסתר המלכה ותנתן לך ומה בקשתך עד
 חצי המלכות ותעש: ³ ותען אסתר המלכה ותאמר אם
 מצאתי חן בעיניך המלך ואם על המלך טוב תנתן לי
 נפשי בשאלתי ועמי בבקשתי: ⁴ כי נמכרנו אני ועמי
 להשמיד להרוג ולאבד ואלו לעבדים ולשפחות נמכרנו
 החרשתי כי אין הצר שוה בנזק המלך: ⁵ ויאמר המלך
 אחשוורוש ויאמר לאסתר המלכה מי הוא זה ואי זה הוא
 אשר מלאו לבו לעשות כן: ⁶ ותאמר אסתר איש צר
 ואויב המן הרע הזה והמן נבעת מלפני המלך והמלכה:
⁷ והמלך קם בחמתו ממשטה היין אל גנת הביתן והמן
 עמד לבקש על נפשו מאסתר המלכה כי ראה כי כלתה
 אליו הרעה מאת המלך: ⁸ והמלך שב מגנת הביתן אל
 בית משטה היין והמן נפל על המטה אשר אסתר עליה
 ויאמר המלך הגם לכבוש את המלכה עמי בבית הדבר

יֵצֵא מִפִּי הַמֶּלֶךְ וּפְנֵי הַמֶּן חָפוּ: 9 וַיֹּאמֶר חֲרַבְוּנָה אַחַד מִן הַסְרִיסִים לִפְנֵי הַמֶּלֶךְ גַּם הִנֵּה הָעֵץ אֲשֶׁר עָשָׂה הַמֶּן לַמְרַדְכִי אֲשֶׁר דָּבַר טוֹב עַל הַמֶּלֶךְ עִמָּד בְּבֵית הַמֶּן גְּבוּהָ חֲמֻשִׁים אִמָּה וַיֹּאמֶר הַמֶּלֶךְ תִּלְהוּ עֲלָיו: 10 וַיִּתְּלוּ אֶת הַמֶּן עַל הָעֵץ אֲשֶׁר הִכִּין לַמְרַדְכִי וַחֲמַת הַמֶּלֶךְ שָׁכְכָה:

8

1 בְּיוֹם הַהוּא נָתַן הַמֶּלֶךְ אַחְשׁוּרוּשׁ לְאַסְתֵּר הַמַּלְכָּה אֶת בֵּית הַמֶּן צָרַר הַיְהוּדִים וּמְרַדְכִי בָא לִפְנֵי הַמֶּלֶךְ כִּי הִגִּידָה אַסְתֵּר מַה הוּא לָהּ: 2 וַיִּסֶּר הַמֶּלֶךְ אֶת טַבְעֹתָיו אֲשֶׁר הָעֵבִיר מִהֶמֶן וַיִּתְּנָהּ לַמְרַדְכִי וַתִּשֶׂם אַסְתֵּר אֶת מְרַדְכִי עַל בֵּית הַמֶּן: 3 וַתּוֹסֶף אַסְתֵּר וַתְּדַבֵּר לִפְנֵי הַמֶּלֶךְ וַתִּפְּלֵ לִפְנֵי רִגְלָיו וַתִּבְכֶּה וַתִּתְחַנֵּן לוֹ לְהָעֵבִיר אֶת רַעַת הַמֶּן הָאֲנִי וְאֶת מַחְשַׁבְתּוֹ אֲשֶׁר חָשַׁב עַל הַיְהוּדִים: 4 וַיּוֹשֶׁט הַמֶּלֶךְ לְאַסְתֵּר אֶת שְׂרָבֵט הַזֹּהָב וַתִּקֶּם אַסְתֵּר וַתַּעֲמֵד לִפְנֵי הַמֶּלֶךְ: 5 וַתֹּאמֶר אִם עַל הַמֶּלֶךְ טוֹב וְאִם מִצְּאֵתִי חֵן לִפְנֵי וְכִשֶׁר הִדְבַּר לִפְנֵי הַמֶּלֶךְ וְטוֹבָה אֲנִי בְעֵינָיו יִכְתֹּב לְהָשִׁיב אֶת הַסְּפָרִים מִחֲשַׁבַּת הַמֶּן בֶּן הַמַּדְרָא הָאֲנִי אֲשֶׁר כָּתַב לְאַבְדֵּי אֶת הַיְהוּדִים אֲשֶׁר בְּכָל מְדִינֹת הַמֶּלֶךְ: 6 כִּי אֵיכָכָה אוֹכֵל וּרְאִיתִי בְרַעַה אֲשֶׁר יִמְצָא אֶת עַמִּי וְאֵיכָכָה אוֹכֵל וּרְאִיתִי בְּאַבְדֵּן מוֹלַדְתִּי: 7 וַיֹּאמֶר הַמֶּלֶךְ אַחְשׁוּרֶשׁ לְאַסְתֵּר הַמַּלְכָּה וּלְמְרַדְכִי הַיְהוּדִי הִנֵּה בֵּית הַמֶּן נִתְּנִי לְאַסְתֵּר וְאֶתוֹ תִּלְוּ עַל הָעֵץ עַל אֲשֶׁר שָׁלַח יָדוֹ בַּיְהוּדִים: 8 וְאַתֶּם כָּתְבוּ עַל הַיְהוּדִים כְּטוֹב בְּעֵינֵיכֶם בְּשֵׁם הַמֶּלֶךְ וַחֲתֻמוּ בְּשַׁבְעַת הַמֶּלֶךְ כִּי

כתב אשר נכתב בשם המלך ונחתום בטבעת המלך אין להשיב: 9 ויקראו ספרי המלך בעת ההיא בחדש השלישי הוא חדש סיון בשלושה ועשרים בו ויכתב ככל אשר צוה מרדכי אל היהודים ואל האחשדרפנים והפחות ושרי המדינות אשר מהדו ועד כוש שבע ועשרים ומאה מדינה מדינה ומדינה ככתבה ועם ועם כלשנו ואל היהודים ככתבם וכלשונם: 10 ויכתב בשם המלך אחשורש ויחתם בטבעת המלך וישלח ספרים ביד הרצים בסוסים רכבי הרכש האחשתרנים בני הרמכים: 11 אשר נתן המלך ליהודים אשר בכל עיר ועיר להקהל ולעמד על נפשם להשמיד ולהרג ולאבד את כל חיל עם ומדינה הצרים אתם טף ונשים ושללם לבוז: 12 ביום אחד בכל מדינות המלך אחשורוש בשלושה עשר לחדש שנים עשר הוא חדש אדר: 13 פתשגן הכתב להנתן דת בכל מדינה ומדינה גלוי לכל העמים ולהיות היהודיים עתודים ליום הזה להנקם מאיביהם: 14 הרצים רכבי הרכש האחשתרנים יצאו מבהלים ורחופים בדבר המלך והדת נתנה בשושן הבירה: 15 ומרדכי יצא מלפני המלך בלבוש מלכות תכלת וחור ועטרת זהב גדולה ותכריך בוץ וארגמן והעיר שושן צהלה ושמחה: 16 ליהודים היתה אורה ושמחה וששן ויקר: 17 ובכל מדינה ומדינה ובכל עיר ועיר מקום אשר דבר המלך ודתו מגיע שמחה וששון ליהודים משתה ויום טוב ורבים מעמי הארץ מתיהדים כי נפל פחד היהודים עליהם:

9

1 ובשנים עשר חדש הוא חדש אדר בשלושה עשר יום בו אשר הגיע דבר המלך ודתו להעשות ביום אשר שברו איבי היהודים לשלוט בהם ונהפוך הוא אשר ישלטו היהודים המה בשנאיהם: 2 נקהלו היהודים בעריהם בכל מדינות המלך אחשורוש לשלח יד במבקשי רעתם ואיש לא עמד לפניהם כי נפל פחדם על כל העמים: 3 וכל שרי המדינות והאחשדרפנים והפחות ועשי המלאכה אשר למלך מנשאים את היהודים כי נפל פחד מרדכי עליהם: 4 כי גדול מרדכי בבית המלך ושמעו הולך בכל המדינות כי האיש מרדכי הולך וגדול: 5 ויכו היהודים בכל איביהם מכת חרב והרג ואבדן ויעשו בשנאיהם כרצונם: 6 ובשושן הבירה הרגו היהודים ואבד חמש מאות איש: 7 ואת פרשנדתא ואת דלפון ואת אספתא: 8 ואת פורתא ואת אדליא ואת ארדתא: 9 ואת פרמשתא ואת אריסי ואת ארדי ואת ויזתא: 10 עשרת בני המן בן המדתא צרר היהודים הרגו ובבזה לא שלחו את ידם: 11 ביום ההוא בא מספר ההרוגים בשושן הבירה לפני המלך: 12 ויאמר המלך לאסתר המלכה בשושן הבירה הרגו היהודים ואבד חמש מאות איש ואת עשרת בני המן בשאר מדינות המלך מה עשו ומה שאלתך וינתן לך ומה בקשתך עוד ותעש: 13 ותאמר אסתר אם על המלך טוב ינתן גם מחר ליהודים אשר בשושן לעשות כדת היום ואת עשרת בני המן יתלו על העץ: 14 ויאמר המלך להעשות כן ותנתן דת בשושן ואת עשרת בני המן תלו: 15 ויקהלו היהודיים אשר בשושן גם ביום ארבעה עשר לחדש

אדר ויהרגו בשושן שלש מאות איש ובכזה לא שלחו
 את ידם: 16 ושאר היהודים אשר במדינות המלך נקהלו
 ועמד על נפשם ונוח מאיביהם והרג בשנאייהם חמשה
 ושבעים אלף ובכזה לא שלחו את ידם: 17 ביום שלשה
 עשר לחדש אדר ונוח בארבעה עשר בו ועשה אתו
 יום משתה ושמחה: 18 והיהודיים אשר בשושן נקהלו
 בשלשה עשר בו ובארבעה עשר בו ונוח בחמשה עשר
 בו ועשה אתו יום משתה ושמחה: 19 על כן היהודים
 הפרוזים הישבים בערי הפרזות עשים את יום ארבעה
 עשר לחדש אדר שמחה ומשתה ויום טוב ומשלוח
 מנות איש לרעהו: 20 ויכתב מרדכי את הדברים האלה
 וישלח ספרים אל כל היהודים אשר בכל מדינות
 המלך אחשוורוש הקרובים והרחוקים: 21 לקים עליהם
 להיות עשים את יום ארבעה עשר לחדש אדר ואת
 יום חמשה עשר בו בכל שנה ושנה: 22 כימים אשר
 נחו בהם היהודים מאויביהם והחדש אשר נהפך להם
 מיגון לשמחה ומאבל ליום טוב לעשות אותם ימי משתה
 ושמחה ומשלוח מנות איש לרעהו ומתנות לאביונים:
 23 וקבל היהודים את אשר החלו לעשות ואת אשר כתב
 מרדכי אליהם: 24 כי המן בן המדתא האגני צרר כל
 היהודים חשב על היהודים לאבדם והפיל פור הוא
 הגורל להמם ולאבדם: 25 ובבאה לפני המלך אמר עם
 הספר ישוב מחשבתו הרעה אשר חשב על היהודים על
 ראשו ותלו אתו ואת בניו על העץ: 26 על כן קראו לימים
 האלה פורים על שם הפור על כן על כל דברי האגרת
 הזאת ומה ראו על ככה ומה הגיע אליהם: 27 קימו וקבל
 היהודים עליהם ועל זרעם ועל כל הנלוים עליהם

ולא יעבור להיות עשים את שני הימים האלה ככתבם וכזמנם בכל שנה ושנה: ²⁸ והימים האלה נזכרים ונעשים בכל דור ודור משפחה ומשפחה מדינה ומדינה ועיר ועיר וימי הפורים האלה לא יעברו מתוך היהודים וזכרם לא יסוף מזרעם: ²⁹ ותכתב אסתר המלכה בת אביחיל ומרדכי היהודי את כל תקף לקים את אנרת הפורים הזאת השנית: ³⁰ וישלח ספרים אל כל היהודים אל שבע ועשרים ומאה מדינה מלכות אחשורוש דברי שלום ואמת: ³¹ לקים את ימי הפרים האלה בזמניהם כאשר קים עליהם מרדכי היהודי ואסתר המלכה וכאשר קימו על נפשם ועל זרעם דברי הצמות וזעקתם: ³² ומאמר אסתר קים דברי הפרים האלה ונכתב בספר:

10

¹ וישם המלך אחשרש מס על הארץ ואיי הים: ² וכל מעשה תקפו וגבורתו ופרשת גדלת מרדכי אשר גדלו המלך הלוא הם כתובים על ספר דברי הימים למלכי מדי ופרס: ³ כי מרדכי היהודי משנה למלך אחשורוש וגדול ליהודים ורצוי לרב אחיו דרש טוב לעמו ודבר שלום לכל זרעו:

מודרני עברי ד תנ

The Holy Bible in Modern Hebrew

Public Domain

Language: עברית (Hebrew)

Translation by: Franz Delitzsch (1813–1890)

2022-06-14

PDF generated using Haiola and XeLaTeX on 21 Feb 2024 from source files dated 31 Aug 2023

53d9715c-3509-54f2-9e87-2cb0afdfb800